



Broj: T01 0 KT 0042405 25

Dana, 10.06.2026.godine

OPĆINSKOM SUDU U VELIKOJ KALDUŠI
Sudiji za prethodno saslušanje

Na osnovu odredbe člana 45. stav 2. tačka h), a u vezi sa odredbom člana 241. stav 1. i odredbe člana 350. stav 1. i 2. Zakona o krivičnom postupku F BiH, **podizem:**

O P T U Ž N I C U

PROTIV:

D. Z.,

DA JE

Dana 27.10.2022. godine oko 14,20 sati, u V. K., mjestu T., upravljajući prijevoznim sredstvom – putničkim motornim vozilom marke VW „Golf A4“, registarskih oznaka ..., svjestan da kao učesnik u prometu ne pridržavajući se prometnih propisa može ugroziti javni promet dovodeći u opasnost život ljudi, ali olako držeći da takva zabranjena posljedica neće nastupiti, postupio suprotno odredbi člana 27., člana 43. stav 1. i člana 96. Zakona o osnovama sigurnosti saobraćaja na putevima u BiH („Sl. glasnik BiH“ broj:6/06, 75/06, 44/07, 84/09, 48/10, 18/13, 8/17, 89/17, 9/2018, 46/2023 i 88/2023 i 35/26), na način da je, krećući se iz pravca V. K. u pravcu V.-B., iza motocikla marke „BMW“ slovenskih registarskih oznaka ..., kojim je upravljao R. N. i motocikla marke „KAWASAKI“ slovenskih registarskih oznaka ..., kojim je upravljao R. Ž., i koji su se kretali istom kolovoznom trakom u istom smjeru gledajući u pravcu njegovog kretanja, dijelom puta gdje je brzina kretanja vozila ograničena saobraćajnim znakom na maksimalno do 40 km/h, kretao se brzinom od oko 63 do 66 km/h, a koja brzina nije bila prilagođena gustini prometa i prometnim znakovima tako da vozilo može pravovremeno zaustaviti pred svakom preprekom koju pod navedenim uvjetima može predvidjeti, tom prilikom propuštajući da prati saobraćajnu situaciju ispred sebe te da u toku upravljanja vozilom obrati pažnju na minimalno potreban sigurnosni razmak u slijeđenju, pa tako nije na vrijeme obratio pažnju na reakciju vozača motocikala ispred sebe, koji su se zaustavili i čekali da p.m.v. VW „Golf A5“ koje se nalazilo ispred njih skrene ulijevo na sporedni put, i koji su se u momentu njegove reakcije nalazili na udaljenosti od 21,00 metar, a što je mogao izbjeći da se kretao brzinom od 40 km/h i sigurnosnim razmakom u slijeđenju na kojem je moguće zaustaviti vozilo od oko 39,40 metara, usljed čega je došlo do naleta prednjeg dijela p.m.v. VW Golf A4 na zadnju stranu motocikla “BMW” te odbacivanja motocikla i vozača R. N. na lijevu kolovoznu traku, a potom i do naleta prednjeg dijela vozila na zadnji dio motocikla “Kawasaki” i odbacivanja motocikla i vozača R. Ž. na lijevu kolovoznu traku, gdje se vozač zaustavio na motociklu, pri čemu je vozač motocikla “BMW” R. N. zadobio ozljede u vidu djelomičnog razdora unutarnjih ligamenata desnog koljenog zgloba s krvnim izljevom u zglobovu šupljini i ozljede desnog skočnog zgloba u vidu preloma unutrašnjeg maleolusa ili okrajka tibije, koje ozljede pojedinačno i u zbiru čine tešku tjelesnu povredu.

Dakle, iz nehata, kao učesnik u prometu na putevima nije se pridržavao prometnih propisa i time tako ugrozio javni promet da je doveo u opasnost život ljudi, pri čemu je prouzrokovana teška tjelesna povreda jedne osobe.

Čime je učinio krivično djelo Teška krivična djela protiv sigurnosti javnog prometa iz člana 336. stav 3. u vezi sa krivičnim djelom iz člana 332. stav 3. KZ FBiH.

Na osnovu iznesenog predlažem da naslovni sud, bez provođenja glavne rasprave, donese presudu kojom se optuženi oglašava krivim i izda slijedeći;

KAZNENI NALOG

Optuženom **D. Z.** sa ostalim podacima kao u optužnici, zbog krivičnog djela Teška krivična djela protiv sigurnosti javnog prometa iz člana 336. stav 3. u vezi sa članom 332. stav 3. KZ FBiH, izriče se :

UVJETNA OSUDA

Kojom mu se utvrđuje kazna zatvora u trajanju od 6 (šest) mjeseci i istovremeno se određuje da se utvrđena kazna zatvora neće izvršiti, ukoliko optuženi u roku od 1 (jedne) godine od dana pravosnažnosti presude ne počini novo krivično djelo.

PRIJEDLOG dokaza koje treba izvesti

- 1. Da se ispitaju vještaci:**
- 2. Da se saslušaju svjedoci:**
- 3. Da se pročita:**
- 4. Da se izvrši uvid u:**

REZULTATI ISTRAGE

Dokazi koji potvrđuju navode iz optužnice:

KANTONALNI TUŽILAC